

Pakatan cadang dua timbalan Speaker Parlimen dari kedua-dua pihak
Malaysian Insider
June 20, 2013
Oleh Md Izwan

Pakatan Rakyat (PR) mencadangkan supaya pelantikan Timbalan Yang di-Pertua Dewan Rakyat (Speaker) daripada wakil kedua-dua belah pihak PR dan juga Barisan Nasional (BN) agar kesaksamaan dapat dilaksanakan.

Ketua Pembangkang Datuk Seri Anwar Ibrahim berkata Majlis Pimpinan PR telah memutuskan ahli Parlimen Tumpat Datuk Kamaruddin Jaafar sebagai calon bagi jawatan tersebut.

"Bagi membantu Yang di-Pertua tersebut mengendalikan persidangan, seorang timbalan hendaklah dilantik dipilih dari kalangan seorang ahli Parlimen Barisan Nasional dan seorang lagi ahli Parlimen Pakatan Rakyat.

"Sehubungan itu, Pakatan Rakyat bersetuju mencalonkan ahli Parlimen Tumpat Datuk Kamaruddin Jaafar bagi jawatan tersebut," kata Anwar selepas selesai mesyuarat Pimpinan PR di ibu pejabat PAS di sini.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/pakatan-cadang-dua-timbalan-speaker-parlimen-dari-kedua-dua-pihak/>